



Asii Chemnitz Narup
Inatsisartunut ilaasortaq, Inuit Ataqtigiit

**Attassiinnarnissamut Ineriartortitsinissamullu pilersaarut 2-mut § 37
naapertorlugu apeqquut nr. 159/2023-mut akissut**

Allakkap ullua: 21-11-2023
Suliap nr. 2023 - 27720

Maanna § 37 naapertorlugu apeqquummut akissut nassiunneqarpoq.

**Apeqquut 1: Qaqugu attassinissamut siuariartornissamullu pilersaarut 2
inaarneqarlunilu tamanut saqqummiunneqassava?**

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Akissut: Attassiinnarnissamut Ineriartortitsinissamullu pilersaarut 2 inerneqareerpoq, Inatsisartullu ilaasortaannut 17. november 2023-mi agguanneqarluni, ullorlu taanna Naalakkersuisut nittartagaanni tamanut saqqummiunneqarluni.

Tamatumunnga atatillugu ilisimatitsissutigineqarsinnaavoq aamma, Attassiinnarnissamut Ineriartortitsinissamullu pilersaarut 2 naalisagaq piareersarneqalertoq. Tamatumani pissutaasoq tassaavoq, innuttaasut amerlanerit atuarsinnaaqqullugit paasiuminarsaaneq. Tamatuma saniatigut Attassiinnarnissamut Ineriartortitsinissamullu pilersaarut 2 tuluttuumut nutserneqassaaq.

Apeqquutit 2-5 ataatsimut akineqassapput:

- **Apeqquut 2: Aaqqissuusseqqinnissamut siunnerfinnut sisamanut immikkoortitaarlugit piffissamut pilersaarut qanoq isikkoqarpa?**
- **Apeqquut 3. Aaqqissuusseqqinnissamut siunnerfinnut sisamat immikkoortitaarlugit pilersaarusiortfigineqarneranni Naalakkersuisut sumut killippat?**
- **Apeqquut 4. Aaqqissuusseqqinnermi siunnerfinnik sisamanik pisariaqartumik ataatsimoortitsineq ataqtigiinnerlu Naalakkersuisut qanoq iliorlutik qulakkeerniarpaat?**
- **Apeqquut 5. Aaqqissuusseqqinnermi siunnerfiit sisamat immikkoortitaarlugit, taakkulu ataatsimut sunniutaasa alaatsinaannissaat Naalakkersuisut qanoq iliorlutik qulakkeerniarpaat?**

Ataatsimut akissut:

Attassiinnarnissamut Ineriartortitsinissamullu pilersaarut 2 tassaavoq, Naalakkersuisut ataatsimut nunatsinni aningaasaqarnikkut attassinissami ajornartorsiummut ataqtigiissumik aaqqiissutaat.

Pilersaarut taamaasilluni politikkikkut siunnersuutaavoq, politikkikkut isumaqatigiissutit tunngavigalugit, inatsit attuumassuteqartut akuerineratigut aamma aaqqissuusseqqinnermut siunnerfinni sisamani suliniutit sunniuteqarluartut tunngavigalugit piffissap ingerlanerani assigiingitsutigut aalajangersimasumik iliuusinnngortitsisussa. Kingullermi allataq inatsisiliornissami pisariaqartumik

piareersaanissamik, aamma suliaasaqarfiit assigiinngitsuni kommuninik suliffeqarfeqarfinnillu ilanngussinermik ilaatigut tunngaveqarluni ingerlanneqassaaq.

Attassiinnarnissamut Ineriartortitsinissamullu pilersaarut 2 aallaqqaasiummi Naalakkersuisut Siulittaasuannit, Aningaasaqarnermut Akileraartarnermullu Naalakkersuisumit aamma Inuutissarsiornermut, Niuernermit, Aatsitassanut, Inatsisit Atuutsinneqarnerannut Naligiissitaanermullu Naalakkersuisumit atsiorneqarpoq. Taamaasiornikkut ersersinniarneqarpoq, pilersaarutip suliarineqarnera ingerlatiinnassagaanni ataatsimut politikikkut suliarineqartariaqarnera, piffissallu ingerlanerani immikkoortut pingaernerit politikikkut isumaqatigiissutini aamma suliaasaqarfiit immikkoortuini pilersaarusiornermi ilanngunniarnissai.

Attassiinnarnissamut Ineriartortitsinissamullu pilersaarut aaqqissuusseqqinnissamut siunnerfiit sisamat inaarsarnissaannut aalajangersimasumik piffissaliussaqaanngilaq, kisiannili ataqatigiissumik aaqqissuusseqqinnissamut politikkiornissamut isummernissamut tunngavissiaalluni. Attassiinnarnissamut Ineriartortitsinissamullu pilersaarut 2, immikkoortunut pilersaarutit aamma periusissat tunngavigisassaattut, inuiaqatigiinnilu aningaasaqarnikkut attassinnaasumik ineriartortitsinissaq qulakkeerniarlugu immikkoortut akornanni ataqatigiissaarisussatut, aningaasaqarnikkut aamma aaqqissugaanikkut ataatsimut pilersaarutaassaaq.

Tamatumani Naalakkersuisut akileraartarnerup akitsuutillu allanngornissaannut tunngatillugu politikikkut isumaqatigiissutinut aamma inatsisissanut siunnersuusissapput, taakkulu, soorlu aalisarnermi, immikkoortukkaarlugit atulersinneqassallutik. Assersuutigalugu Naalakkersuisut 2025-mut siumullu takornariat pillugit periusissamik nutaamik piffissamullu ungasissumut sammisumik piareersaapput. Tamatuma saniatigut utoqqarnut periusissamut tamatumani utoqqalineriuteqarnermut aaqqissuusap qularnaarniarlugu siunnersuummut suliap ingerlaqqinnissaa qulakkeerniarlugu piareersartoqarpoq. Naalakkersuisut kommunit suleqatigalugit meeqqanut inuusuttunullu tunngatillugu suliniutiliornissaq qulakkiissavaat. Maannakkut ilinniarnermut periusissamik, 2023/2024-mi piareertussatut naatsorsuutaasumik, piareersaasoqalereerpoq. Tamatumani meeqqat atuarfiat aamma inuusuttunut tunngatillugu suliat pitsanngorsarnissai pingaarnersaapput. Naalakkersuisut inuusuttut ilitsersuunneqarnissaannik aamma sungiusaatigalugu suliffimmiinnissannik pitsanngorsaasumik siunnersuusiornissartik naatsorsuutigaat.

Naalakkersuisut peqqinnissaqarfik pillugu politikikkut isumaqatigeqqammerput. Tamatuminnga atulersitsineq akiliisinnaassuseqarnissaa qularnaarniarlugu Attassiinnarnissamut Ineriartortitsinissamullu pilersaarut 2-mik malitseqartitsinermit attuumassuteqassaaq.


Suliaasaq takkuttussaaq aamma politikikkut isumaqatiginninniarnarit pilersaarummi immikkoortunik, attassinnaasumik ineriartortitsinissamut ilapittuisinnaasunik, peersisinnaapput imaluunniit allannguillutik. Taamaamat, innuttaasut qitiusumik ilungersuutaannik allatut aaqqiissutissanut siunnersuutit aamma attassinnaasumik ineriartortitsinissamik qularnaarinissaat pisariaqarpoq.

Aningaasaqarnermut Akileraartarnermullu Naalakkersuisoqarfik aamma Naalakkersuisut Siulittaasuata Naalakkersuisoqarfia suleqatigiillutik tamatuminnga malitseqartitsissapput. Tamatumani suliaasaqarfiit akornanni allaffissornikkut ataqatigiissaarineq aamma pilersaarummik suliap ingerlaqqinnissaanut tunngatillugu

isummernissamut tunngavissialiornissamik piareersaaneq ilaatigullu tamatumani aningaasaliinissap aqunneqarnissaa nakkutigineqarnissaalu kiisalu Naalackersuisut Naalackersuinikkut Ataqatigiissaarisoaqatigiit isumalluutaannik pingaarnersiuinissaq qularnaarniarlugit.

Tamatumunnga atatillugu Naalackersuisut ukiumut Inatsisartunut Aningaasaqarnikkut ingerlatsineq pillugu nalunaarusaannut atatillugu Attassiinnarnissamut Ineriartortitsinissamullu pilersaarut 2-p, aaqqissuusseqqinnissamut sammivinnut tunngatinnerullugu, tamatumanilu pilersaarummi politikikkut isumaqatigiissutinik malitseqartitsineq qanoq ingerlanneqarnera pillugu nalunaarusiortoqassaaq.

Inussiarnersumik inuulluaqqusillunga



Erik Jensen